



11. april 2024

Inatsisartut suleriaasianni § 37 imm. 1 naapertorlugu Naalackersuisunut apeqquq imaattoq atumuuna saqqummiuppara:

Naalackersuisunut apeqquq::

1. Naalackersuisut uppernarsarsinnaavaat Inatsisartut taamaallaat akuersissutiginiuguat Mittarfeqarfiit A/S ukiumut 105mio tapiissutaasussat, naatsorsuutit malillugit nunap iluani mittarfittut ingerlatsilluni (Dash 8) Kangerlussuaq takussutissartaa malillugu?
2. Naalackersuisut inuiaqatigiinnut kingunissaat suunersut nassuarsinnaavaat, maanna Mittarfeqarfiit A/S kangerlussuaq imarpik qulaallugu nunani tamaniit tikinneqarinnaanera neriorsuutigimmassuk?
3. Qanga Naalackersuisut Inatsisartut aaliangiussaat, kangerlussuup nunap iluani mittarfiunissaa, qimakkamikku?
4. Namminersorlutik oqartussat pigisaat suliffeqarfiit namineerisaminnik aaliangiisinnaappat mittarfeqarfeqarnermut tunngasunik, Inatsisartut akuutinnagit?
5. Naalackersuisut tamanut saqqummiussamaarpaat Mittarfeqarfiit A/S kiffartuussinissamut isumaqatigiissutaa, Mittarfeqarfiit A/S ingerlanneqarneranut kiffartuussineq pillugu?
6. Naalackersuisut qulakkiissamaarpaat isumaqatigiissutit tamarmik KAIR aamma Mittarfeqarfiit A/S-imut tunngasut saqqummiunneqarnissaat?
7. Naalackersuisut qulakkeersinnaavaat mittarfissuit atuutilernerannut tunngatillugu, nunatsinni innuttaasunut akisunerulersitsinermik pisoqassanngitsoq, soorlu akiisitsilluni biilnik inunnaveqarneq aammalu akiliutit?
8. Naalackersuisut qulakkeersinnaavaat Mittarfeqarfiit A/S kiffartuussinissamut isumaqatigiissutaa isertitsiviusut tapiissutit avataaneersut, landskarsimut iluaqutaanissaat taamaasillutillu tapiissutit minnerpaaffianiitinnissaat?

(Inatsisartuni ilaasortaqaq Pele Broberg, Naleraq)

Tuungavilersuut:

Tusagassiorfitsigut atuarneqarsinnaavoq Mittarfeqarfiit A/S kangerlussuaq nunanit avataaniit toqqaannartumik tikinneqarnissaa pilersaarutigigaat, soraarsitsinissamillu pilersaaruteqaratik Tamanna Aningaasanut Inatsimmut 2024 aammalu Mittarfeqarfiit A/S tunngavia sakkortuumik assortorlugu inissiivoq.

Aningaasanut Inatsimmut 2024 imatut allaqqavoq:

“Taamaammat aningaasanut inatsisini piffinni mittarfiit amigartoorutaannik aningaasaliisoqartariaqarpoq. Tamanna 2023-mut Aningaasanut inatsimmi pereerpoq, tamatumanilu Naalackersuisut siunnersuutigaat 2025-mi aamma 2026-mi konto pingaarnermut



72.26.06 Mittarfeqarfiit A/S, 100 mio. kr.-nik immikkoortitsisoqassasoq. Aningaasaliineq tamanna AIS24-mut ingerlateqqinneqassaaq.”

Kalaallisut allaqqanerani oqaaseq “nunap iluani mittarfiit” allaqqannginera annerusumik kinguneqanngilaq, tapiissutit angissusaanut atatillugu Inatsisartut isummerfigereeramikku. Taamaammallu isertitaasinnaasut, soorlu Illersornissaqarfiup Kangerlussuarminnera, siullertut landskarsimut iluaqutaasariaqarpoq, isertitat annertussusaat ilutigalugu tapiissutit Mittarfeqarfinnut millisarnerisigut.

Taamaammat Mittarfeqarfiit A/S imaluunniit Naalakkersuisut Aningaasanut Inatsit aammalu Mittarfeqarfinnut inatsit akerlilerlugu aaliangiisimassapput. Sorliunersorlu paasinissaa pingaaruteqarpoq, akileraartartut akiliisussanngortinneqarmata.

Ullut qulit iluanni akineqarnissara kissaatigaara.